

清
齋
樓





余刻南窗漫稿已五閱歲其間感物逢時輒拈毫散墨刻藤雜
叢深愧年之徒老大而詩律未細又竊以自憙顧嬾忽性成隨
手狼藉匏簾所貯復漸散佚惜其積久亡盡用是彙付奇癖性
情所至不復計工拙但期便於就正免繕寫之勞要亦同劉之
嗜痂糞之嗜鍛寄生平之一癖而已雍正戊申十有二月長洲
陶社書於清齋樓



清霽樓詩集

長洲陶社錫茲

探梅因宿山家

日薄西崦亂流澀。整理芒屨探梅白。寒深遊人
尚無幾。依稀襍禩僧。予不濛濛花霧拂。衣生一
羣巖鵲遮人鳴。詩境到此難著筆。一字一意神
鬼驚。幽如鮫人悄。夜泣白狐號。天山風急匡廬
飛瀑千丈強。散落塊埃層冰立。恣討不覺夕陽
黃。香塵漠漠雲蒼蒼。若箇幽居溪岸側。柴扉半

掩獨樹梁

寄張曙巖丈

竹風颼颼草堂靜。煙暝花落羊求徑。月來苔草
初泛夜。魚跳水波特破鏡。倚闌獨賞難爲情。削
盡豪懷與狂興。芙蓉浥露香刺骨。沁入心脾志
慮淨。老奴觸牆夢語惡。時自辯詰互柔硬。夜深
樹石造竒狀。森列神鬼呵護定。作詩頗不欲人
喜。潛蛟起舞婆泣命。將詩走叩張夫子。何當救
此崛強病。

曙巖見和仍韻走筆答之

先生詩句腴而靜。鉛華洗盡時蹊徑。騷壇老將
眼如炬。令人妍醜無逃鏡。嗟余潦倒頗嗜此。初
涼庭戶添清興。花雨浙瀝氣蕭散。竹牀斐几塵
埃淨。覓句有時欣自得。苦乏阿買書瘦硬。才量
淺狹聊爾爾。豈真窮達由天定。逝將結屋水邨
西。老向漁樵受約命。要當司馬但云佳。何能區
別貧非病。

無瓜歎

今年毒熱比歲無。晶晶空宇飛赤烏。堯時十日
不足數。炮烙林木燔園蔬。調冰雪藕非吾好。河
朔飲亦太豪粗。不如青門瓜味佳。削綠浮絳紛
盤盃。眼界頓闊氣逸宕。詎獨津津滋腸枯。似此
一物於老夫。相依爲命顛相扶。乃今兀兀北窗
下。揮汗空歎停午餘。詩脾窒塞文心死。文園尪
羸將安逋。馬湘幻術或可繼。竊恐弘義殃池魚。
老夫作此無爪歎。要有裨益辭非虛。禾稼尚未
盡焦殺。長官及此當蚤圖。

寒夜與姜綸周論史

征鴻一聲霜天高。明月挂樹風蕭騷。青燈熒熒
漏點滴。曠論往昔卑蕭曹。畢竟傑出刀筆吏。經
緯那媿真雄豪。於時秦弊未全革。詎可醇酒酣
中逃。私財佐軍計亦得。夫乃術涉罔與僥。大人
誠動格君非。此而不究百徒勞。吾儕一葉滄海
闊。百尺樓瞰等螻蟻。挾山拾芥置勿論。要須檢
律身。毋撓撚鬚抱膝語。漸低寒氣侵幃栗。膚毛
地爐火燼平頭睡。自熱斗酒魚童羔。

約李蘿屋不至獨飲遣興

佳客不來心怏怏。寒風滿徑鴉噪林。窗蕉閒展
琉璃葉。籬菊暗彫錯落金。小婢行酒佳冶態。先
生彈琴太古音。自醉自醒還自樂。白雲垂地結
晴陰。

過王鼎載書舍劇飲放歌

愁雲塞四野。刺面捲朔風。竹樹覆荒徑。寒煙迷
西東。停車問田父。始得子敬宮。蕭然蓬蒿隱。不
與塵途通。琴書擁座隅。言笑落驚鴻。坐客亦淳

雋秣陵徐景跌宕春風中。我本樗櫟材。慚際此

世隆。悠悠歲復歲。嬾鈍將焉終。却懷嵇與阮。恨
未躋其峰。進退兩無據。老大傷厥衷。悲衷復自
遣。痛飲張心胸。大笑出門去。天地真濛濛。

幽居次友人韻

遮莫紅塵十丈賒。柴門老我澹生涯。梅藏竹掩
深深徑。棋韻書聲寂寂家。小沼種魚調野鷺。曲
畦課婢接時花。倦來北牖消長晝。八尺瑠璃臥
日斜。

題師得讀書舍

能讀古書史何妨陋室中韓檠聽夜雨管榻坐
春風樹影侵簾碧花陰亂徑紅談餘叉手立天
外一翔鴻

憶庭梅三首

月明何處一聲鐘澹澹疎煙澹澹風憶得酒闌
迴倦眼數顆錯認小春紅
一枝和露臥斜暉綃縠題詩思亂飛憶得石闌
寒料峭笑人無賴典春衣

書窗無語倚黃昏殘雁寒鴉合斷魂憶得添衣
催小玉滿庭疎影亂春痕

孝廉姚星言招飲即席賦呈平湖張進士

鴻漸

痛飲淋漓狂態大忤時面目計身愚詩書不讀
十年恨天地偏多七尺軀抉矢曾穿頑石半壯
歌寧賴唾壺俱知心傾蓋師前輩莫笑呀呀小
丈夫

曉起

漏盡風偏厲。燈殘夢亦微。感多隨境觸。客倦論文稀。澹月連雲墮。幽禽傍竹飛。愁眉侵世險。佳致入詩機。耽古城書坐。栽花宅性圍。莫嫌生計拙。日午未開扉。

過友人別墅小飲

草堂遙指碧山阿。尊酒追歡一棹過。夾岼柳陰飛紫燕。滿汀梅雨鬪花鵝。截竹過泉工汲懶。傍松張席引涼多。殘日半亭人醉倚。數聲漁唱落煙波。

哭李皆令

金貞兮焚之亦敗。松堅兮摧之亦殘。人生詎異此。故不必論其年之壽夭。而但覩其卓卓立於天地間。試問李子今日死。誰不心痛酸。與物無競。而持已方端。揮毫酷師鍾與王。筆底風雷盪神魂。讀書務究幽奧趣。發爲文章歸正源。以此知李子垂之後世無疑焉。彼蚩蚩者曹。即享期頤。何別蜉蝣草頭喧。而我相交知。屈指祇三年。就中記敘會。一從劇飲一論文。其餘俱屬奔走。

風塵牽余也。較君少三歲。齒豁已三雪。盈顛甕
底。僅餘供鶴米。尚須日飲一百青銅錢。醉時歌
哭。僮婢駭。想因困厄。致使然。聞語大笑。頭支磚。
此輩齷齪。乃爾寬。近日人情不忍言。蠅蛆蛇蝎
猶非倫。丈夫當此守益堅。斬絕嗜好。全我真。或
閉一室窮經史。或歷江海開者攢。恍然有得矣。
浩浩胸次無簡煩。語君君不應。慟哭隔九泉。子
敬琴空在。徐君劔誰懸。愁腸漫結千重恨。看君
不朽生氣奕奕照人寰。

過王氏山莊看梅

梅放晴風二月初。栽來勝地倍蕭疎。添陰幽閣
曾鋤月。問信野亭記。跨驢香雪亂飄書。案午浪
雲輕。暈徑苔虛。明朝倘許尋殘醉。檢點芳林佇
筍輿。

東凌方潛乞寫春晚花禽圖

紫狸毫寫海棠陰。誰識徐熙旖旎心。猶記去年
燒燭夜。一枝雙宿夢春禽。

聞雪

清溪梅詩集
夢覺燈慘澹寒庭聞清響。簌簌紙窗過。杳杳柴扉掩。幽泉咽不流。風怒排空盪。傍皇搜句吟。思也詩飄蕩。肯慕袁高臥。竒踪邈在想。明朝巖谷裏。略試王恭斃。

春朝遣興

風雨春朝過寒齋。擁鼻吟栽花。乘土潤著屐。驗苔陰石徑。杉烟暝松窗。爐篆深壯懷。嗟漸耗几上獨橫琴。

書懷

頗覺物情幽。恍與吾相洽。梅雨過林端。飛禽鳴且狎。何以娛好懷。琴尊亦不乏。窮不須韓文。醉不須劉錡。落落天地間。誰能困數劫。

除夕感懷

四十明朝只欠三。坐來牖下但餘慚。既無可奈恩讐界。又不能如老墨甘。自合安排鴻冥冥。誰當整頓虎耽耽。却看墻角號風雪。緊困春條不放酣。

病中感懷

病怯疑風勁。愁來失日長。香侵人影瘦。門閉雨聲涼。意氣悲雙鬢。乾坤醉一觴。隔簾榴競放。明日是端陽。

雨夜懷亮公

雨急燈昏夢屢驚。打蕉聲似打篷聲。淒淒江畔孤舟夜。記否山堂話月明。

村徑探梅

春風昨夜到梅顛。破白南枝清且妍。踏過板橋吟料少。一僧肩樹立漁船。

祖叔母姚太夫人八十頌言

維祖叔母振我家聲。相祖叔考業大厥成。業大厥成。乃申言之。所真乎積貴。在能施。凡茲宗黨。咸免寒饑。蘊德既廣。延澤彌深。爰誕諸父。紆紫纏金。孟叔奮發經營。四方仲叔季叔。翻斂翱翔。林泉肆志。晨昏悅侍。歲在辛丑。閩盜猖肆。聞警瞿然。命兩叔前曰。汝兄範實被國恩。思當報稱。誓不俱存。職任觀察。亦曰。屏藩王事。孔棘拯此黎元。恢復在躬。鋒鏑安論。毋顧我老。欲進而

却爾忠旣盡孝詎我薄遄寄斯語用誠汝兄皇
皇其言大義鏗錚孟叔承命感激涕傾旣清海
隅復堵斯氓迭罹大厄天實默佑告厥成功炳
煥宇宙社生不才秉質庸劣歷落嶽嶸與俗乖
絕旣殊所好但守我拙恭值大耄略舉一節質
直而書不及其餘松茂柏貞如岡如陵拜颺休
美福壽康寧

幽居

誅茅疏徑結菴棲不厭幽深與俗違才蹇任教

牛馬喚學潛頗探性情微樹頭花雨疎疎落湖
面晴雲藹藹飛白鷺一行煙際起青峰數點宅
邊圍牧人林暝長歌去漁叟船橫半醉歸理趣
覺從隨處得隱憂遂許入年稀盤飧簡樸唯雞
黍里姓敦淳絕諂譏絲竹換將松水韻琴尊閑
却利名機悽惶鳳德歌誰感寂寞鹿門月自輝
散步溪橋貪晚賞野童篝火候柴扉

八醉歌

綠陰滿地日卓午花梢蜂蝶成團舞排簾大叫

清隱樓詩集
快矣哉兩友一兄三弟來云是吾儕忽憶飲君
須爲我安尊壘隔舍溜溜作清響糟牀正熟新
釀醅禮雖不設差有序轉轉漸至忘形骸伯兄
袒裼面如赭狂言我欲同劉埋堦前一片翠苔
石鼓腹仰天天何窄周郎體弱不勝衣倚榻垂
眼氣似絲王生乃是多情者科頭跣足長追隨
履綏思深善謔浪環髮持鬚連臂唱惟有虹橋
王表弟老禪兀坐無敢觝此中涇渭殊了了浮
氣豪情一切洗裕弟眼光如炬射吐言剛烈人

辟易鐵石心腸相照耀却要人按霓裳拍似余
瑟縮一病夫七碗苦茗一卷書吟風嘲月乃其
分角逐載鼻胡爲乎在昔名賢以酒著豈徒嗜
此無他圖要亦才量與品概皎拔不共凡近途
不然此物最害事飲者留名伊誰誣八醉歌成
獨撫腕明日相看各揣摩

倪頓塘過訪留飲話舊

小庭春雨過芳草自鮮碧煙林倦鳥返蒼然日
云夕垂簾話故舊蓬鬢嗟雙白憶昔相期勉邈

馬不堪覈遙雁沉寒雲淒風散蘿薜斂襟坐清
漏引杯驅煩積雙丸無計挽能著幾兩屐人生
貴樂志斯言應深繹

棲霞閣月夜讀韋詩

夜靜月逾皎○流光涵虛樓○林樾散清影○微風聲
颼颼○螢燄亂空宇○霜砧淒以悠○河漢星數點○羈
猿啼深愁○林扉射篝火○煙郭象外浮○孤絕澹無
對○韋公詩獨搜○

代妓楚雲留別

離顏不惜為君添○衰鬢寒花手自拈○別恨驚魂
何處覓孤蓬○秋雨夜厭厭○

秋日書懷

紙窗竹几宜秋杪○一縷鑪煙晚獨憑○花徑風迴
吹綺片○松扉鶴過認幽朋○書聲到耳欣能讀○狂
態侵人奈不懲○莫笑踈慵渾廢事○老夫才料別
無能

送川上之閩別後有感

連朝風雨闔閭城○送別歸來倍黯神○絕少黃金

拚棄我肯將隻字浪投入吟邊甲乙牀頭虱醉裏支離扇外塵烏石山頭應悵望不勝離思獨逡巡

送王希僑表弟

誤我儒冠真無謂送君不惜路岐悲落花流水經年別啼鳥青山一路詩文字娛情聊自慰干將補履合遭嗤遙憐明月孤篷夜夢繞江干叫子規

題周爾翰小照

愧我紛紛揮汗後

接圖時從某伯處告空不應歸坐汗流對此慙赧欲絕

慕君卓犖展圖餘浮沉世態十年夢收拾雄心一卷書棲瀨水禽秋浙瀝題詩桐葉雨扶疎他時風月佳晴夜可否緇衣叩此廬

時亦浼友作披緇小像

訪友

空山寒月挂煙蘿沙岸浮舟泊浩波杳杳柴關燈一點磨丹苦校史經訛

醉中贈師得

三日不與吾弟飲陡覺室塞豪宕胸豈惟遺忽

人世事亦復了結文章窮近不一雁橫空秋氣
白百杯獨酌晚霞紅明朝江畔持竿去不許長
鱸駕烈風

寄友人

聞君逃暑策詩字聊自喜作詩悅心脾寫字靜
聽視清風林下來參差影落几頓然清涼界漠
漠古井水窮搜萬物情盡付匏壺裏何如屋漏
痕妙語乃如此火雲西北流山亭時獨倚何當
脫塵網散髮對吾子

怡雲亭

白雲無古今悠悠句曲山影落茅亭子清風日
日閒

淺黛亭

嘉樹鬱鬱秀微波相映碧一竿釣晚風滿衫翠
霧濕

舟居非水軒

古人造一語動令人費解陞對乃如此想見其
瀟灑

樂吾樂處

圖史列左右清風拂幔幃焚香人獨對此樂晦
翁知

懷顧川上

夜深風雨滿高竹念子行舟楊柳汀明朝寶帶
橋頭水潑眼生憎白與青

喜李成裴至小酌

庭草綠堦綠山禽過樹啼幽人雅相過落日竹
窗西小酌花爭笑微吟石漫題落落世不偶方

之阮與嵇

偕顧西山姚梅菴泛舟楓江

扁舟一葉泊楓江拍拍飛鳧下晚塘罵坐灌夫
元不惡絕纓楚客未妨狂故知販畚人皆賤何
必乘桴跡始藏一片荻蘆花似雪夕陽影裏聽
漁榜

聞雁

孤夢幽寒欲二更天邊嘹唳雁初鳴蒹葭水白
人何處風雨燈昏恨未平杳杳煙村清迸月依

清溪樓言集
依沙水細和箏。不堪愁聽擁衾坐。楓葉蘆花獨
夜情。

虎邱後溪獨酌

虎邱後溪溪水碧。傍溪酒舍坐狂客。香風遠引
花撩亂。醉酒題詩寫索寞。忽憶去秋曾此過。采
菱歌聽唱烟波。拍拍浮鷗雪。一點心情蕩漾雲
冉冉。烟波浮鷗宛如昨。只欠清歌慰清酌。咄咄
此君怪矣哉。愁裏偏能笑口開。古人不見俗子
憎。一醉付之溪水來。

題王石谷山水小幅

小峰大峰律。萃高秋色閭。澹風颭颭漁人柳。邊
晚放舫欲過未。過沙洲。均茅宇一箇靜不叟晴
雲飛落斜山橋。石泉怒激噴雪濤。點點水鳥啼
且遨瞥眼千里尺幅。綃意象曠蕩塵滓消。置我
巖壑煙霞嘲。

顧川上王旆載落第過晤留宿夜話

篝燈板屋夜沉沉。細語幽衷不厭深。殘菊數枝
留素影。敗荷半沼。賸衰音。蕭奴貰酒春生座。山

鵲驚寒月滿林。困躡莫懷些子恨。秋風江上季
鷹心。

誕辰西山邀飲醉贈以句

我於先生少十年。行藏消息兩茫然。文章空許
破鬼膽。意氣不輸飽老拳。昔同兄弟誼已切。今
復姻婭情尤專。酌我清酒壽我菊。大醉南山來

壓顛

陽山與
齋相望

懷別

寸寸離腸寸寸休。對花對酒淚空流。恨他生未

知愁字。二十年來第一愁。

納涼

梧竹水風動。湘簾北牖遮。藕花龍盃現。柏靄鵲
爐斜。涼夢詩相引。垂頭手自叉。憑闌無限意。一
鳥下汀沙。

題畫

柳線倦縈春杪。綠痕初漲芳洲。一帶人家殘照。
數聲煙笛扁舟。

過潤一禪房觀梅

寂寂禪房春晝靜深深曲徑老梅花一簾香雪
人蕭索滿地白雲風整斜應笑攢眉盟復去頗
聞摩腹錫還遮蒲團閑對叅玄妙踈影迷離送
落霞

春日

百花撩亂兮春日遲遲柴扉寂而無喧兮燕羽
差池念王孫之不返兮芳草天涯雲山晦不明
兮望而使我心悲

雪夜旅泊

蘆葦風獵獵蓬窗冰絮嫋雲氣壓凝濤瀾漫乾
坤小孤舟蓑笠翁歸棹聲杳杳寒犬吠何處江
店篝燈悄

寄懷顧川上

秋風木末颯颯起冥鴻飛度瀟湘水流光過電
景物非幾時得雪填胸恥憶昔酒酣拔劍歌歌
聲悲咽歌奈何意氣消磨歲月老令人慨然春
夢婆

凌方湄便面花鳥金廉夫索題有感成韻

一段春情寫別離飛來小鳥立花枝匆匆筆底
東風軟愁絕江南穀雨時

中秋前三日感懷

萬籟無聲靜宇高鈞簾獨對鬢頻搔團團翠蓋
攢金粟皎皎銀蟾泛碧醪犀首遊談宜爾厭狐
毛奔走敢云勞迂時自歎迂愚甚露滿花梢淚
滿袍

楊刺史過訪話舊

滿窗虛白月初高廿載深情坐寂寥話到雄奇

神獨往閑來花鳥興都消片時冠冕窺槐國蓋
世功勲夢草橋欵欵不知寒夜永瓦爐灰燼篆
痕銷

春日散步至滄浪亭遂成八韻

散步任所之桃柳正妖妍滄浪亭忽到時坐時
立馬禪寺非往昔大雲名空傳風雅久衰歇斯
人竟誰憐禽啼四野靜林鐘聲浮烟春山遠橫
亘沉鬱但蒼然志氣已無礙形跡固難牽顧瞻
城南道牛羊下夕田

首春夜坐

午夜斂襟坐一燈照永愁生涯隱几夢心事過
灘舟斜月亂篁小澹煙春樹浮棲禽驚不定寒
影亞簾鈎

九日閑步過慈濟菴

九日齋居殊怏怏且從邨落寄幽情野花可意
隨行步溪鳥呼羣自識名殘蝶晚栖籬豔冷一
蟬寒咽柳風清老僧相對蒲團穩細究無生了
此生

曉步過滄浪亭

蕭瑟城南路啼鳥散秋曉風亭野意多落葉一
僧埽

野岸

客懷何處好衰柳夕陽邊荻港寒聲急晴沙樹
影圓羣峰半掩日一鷺獨拳煙漁火微茫外鳴
榔獨下船

山中晚步 并序

余避暑華山憶春時曾憩嶺西小菴賞

其幽潔縱意徑尋不復得路

日沒風蕭瑟巖谷生虛籟遠尋精舍去蘿徑非
向類微聞清磬音蒼蒼煙嶺外

是承壻以文過訪醉後寄示

沈生名鴻第一才甚奇論文不肯諧時調上窺
漢魏下唐宋淵源正變遞相師袖文一卷過我
讀花隲冥冥夕陽遲勢排崩崖千丈落滿紙元
氣旋淋漓令我神氣壯呼酒陶寫之酒酣拔劍
當軒舞足練飛繞人披靡醒來月白忽失笑思

之太狂癡雖有屠龍技無龍可屠誰得知胡爲
意氣不少檢務使旁觀疑一庭花鳥半簾風此
間趣味良可怡偶興不可遏或吟一句兩句自
家意思詩柴門不扃君去來石鼓詛楚辨支離
君家隱侯才華稱蓋世可惜品概譏當時乃知
書生重本不重末行已慎所持名教中自有樂
地樂子之言豈我欺老夫言雖涉嘆喏宜審諸
勿睥睨而嘲嗤

簡顧一臣丈

清簟疎簾看弈棋少陵亦解此為宜尚何暑氣
愁侵肺但覺茶煙輕颺絲夢繞鑑湖三百里時
棋童和衷會睽金粟一千時不晤一臣已小山
在浙撫幕花信倘相惱埽地焚香待子期

患面癩戲作

時擬作
生產計

偉哉越大夫治產拯親鄰蓄志江海闊寧惟娛
一身夫我虬蟬耳亦欲效其技況今營利僨詎
可古人比苟有利於已蕩然無廉恥蜜口藏鋒
刃胖身裹螫毒何者理難背何者情應篤老天

乃憫余猙獰換面目吾貌固猙獰我心自平恕
雖乏阿堵量頗膺大庇句大笑語老天人定虛
此舉

客來

客來一尊酒六碟蔬與果肉菜腐魚鰕脫粟飯
虛左清茶時更進笑語忘爾我竹榻布被寬夢
魂亦安妥徑有不謝花風吹時阿娜壁有無絃
琴興到頻撫播或圍棋而忘或說劍而羸或論
史而莊或哦詩而朶各從心所欲均之差曰可

清齋詩集
寄顧西山

百計經營總屬空歸來閑臥北窗風琴書可是
消憂物鼓角偏驚落魄雄鳥散幽林一葉墜日
烘晴靄萬山紅遙知文舉酣嬉後應念伶仃盛
憲躬

雨中寄懷思深

山雨飛來壓舊愁怒濤滂湃屋梢頭水西亭子
花南館添得豪情十倍不

雪夜贈李散木得降字

擺風野鶴來清江瘦骨逼寒肩兩扛顛狂柳絮
舞歲暮跌宕春色敲書窗温温松火茶沸鼎短
短梅花燈側幢豪談劇飲天向曉牢愁堅憤都
齊降

仲夏鳧溪散步即事二十韻

野岸停橈好幽懷縱目傾晴虹收雨脚屐齒亂
蛙鳴漁徑一簑渡秧疇萬頃平農歸荷耒耜牛
吼罷耘耕霞彩纏林薄嵐藍蘸水輕樹巔懸日
影山腹隱雷聲雲滅長空淨桑陰小巷清遂忘

身困頓益覺興增生更向邨橋轉便緣溪路行
披荆讀古碣敲寺訊僧名茶就松間煮琴携石
上橫論詩風細細叅乘鳥嚶嚶倏爾塵埃滌湛
然吾道明噌吰鐘遠落金碧塔孤撐景象昭瞻
覩心靈仗澈澄漫勞陝右夢徒苦遠公盟極樂
原無界惟空洵有成徘徊烟冥漠惆悵徑紆縈
燈火臨流舍花堤返市氓書窗歸紀事吟罷不
勝情

冬日遊虎邱

萬疊雲山澹夕陽梵宮寂靜葉飛霜徑開片石
千人坐門對遙峰一點蒼寒鳥疾飛爭晚宿老
僧長倚縱幽望風高木落遊踪絕此日詩人興
獨狂

鍾馗圖

小鬼啾唧大鬼嗥百千鬼狀攢蝟毛鬼婦坐制
不可撓鬼婢鬼奴肆罔驕濁亂網紀穢大昭置
若罔聞恣遊遨元氣不振陽光消陰霾白日風
蕭颯馘乎馘乎坐視逞此魍魎罪安逃吾恐上

帝一日聞之震怒磔汝曹

月夜

古梅豐醜石烟蘿懸皎月閑步夜沉沉小庭自
幽絕

和徐湛淵憶豐草亭梅原韻

湛淵爲太史
虹亭公子

不堪故宅花飛雪流水空村獨倚門野鶴記曾
盟老伴白雲何處繫春痕應餘和月蒼苔影難
覓啼烟紙帳魂惆悵一枝誰寄與數聲寒笛草
堂昏

次韻答友人問

刻楮生涯奈若何倘從吾好未全訛垂簾怕觸
悠揚絮闢地教舒勁直柯病驗不來却超雉廚
炊難覓謝端螺一尊涼月科頭對露竹風階靜
泛波

夏日過上沙明瑟園

高樹急鳴蟬地偏遂忘暑縈紆徑轉邃斜日明
花嶼翹足窺松扉始識此名墅亭軒頗綜錯位
置極清楚方舟浮澄漪菡萏嬌欲語磅礴據危

清霽樓詩集
巖長嘯意與與林風蕩冲襟諧調寡儔侶獨往
復獨還漁唱起烟渚

長至日斟酌橋小憩

斟酌橋邊路淒涼數點鴉蹇驢嘶斷岸淺水細
流沙寒砭凍肌裂風酸吟鼻赧依稀舊酒舍柳
外一旗斜

小春朔日風雨淒其籬菊始花絕類重九

風景援筆遣興漫成四十字

岑寂柴扉掩淒涼風雨吹客懷重九別菊放小

春期濃墨貪書柿香蔬愛把卮晚來幽意遠一
雁水之湄

閑遣

幽砌聞鳴蛩秋風颯然至涼氣拂几席于焉煩
悶避曳杖倚柴門一僧來古寺欣迎坐小窗瓶
鉢粗位置絕口不及禪語語皆禪意翠竹落繁
陰啼禽布幽致色相倏歸空何者靜聽視瓦爐
一炷香遠鐘清午寐

雨後與師得小飲

清溪村言集
三
陣陣涼風陣陣雨嫩寒酷與早春齊輔仁敢並
蘇髯友好句多因謝惠題秋冷竹陰禽夢寂香
埋芳徑蝶飛低君須寬量休辭醉放眼看他俗
互詆

夏日雨過有懷

山堂雨過涼生榻蕉葉桐花人半眠一箇野航
何處著水扉開在小橋邊

春晚偕師得小飲惠兒侍坐

牡丹花發春將盡碧酒如油醉此生膝下有兒
能識字世間惟弟可言情風雷屋角行時令書
劍天涯卜遠盟五鼎食烹成底事毫端休作不
平鳴

陸湖西過訪適有貴官駐節即其故友園
喧不可耐因往城北僧舍不值走筆寄
懷癸卯八月廿有三日

偶從衲子去談禪辜負籃輿到檻邊閭巷已非
風雅地交情須驗死生年當風園木聲含怒遭
旱池花意不妍數語寄君聊誌感謾云此老太

狂顛

前詩意有不盡復自和

虛齋日日學逃禪塵雜橫來眼耳邊自是威權
歸大吏爭推風雅勝當年攢眉黎庶饑欲死長
袖妖姬舞正妍蕉雨梧風苦相惱不堪新恨落
毫顛

偕顧西山遊某氏園

杖屨遠相過名園午共遊酒憐無客載壁喜有
詩留花柳情俱憊池亭意亦愁百年興廢感誰

更續風流

見空谷菴紫藤奇古賦詩紀遊

老藤不記歲盤錯山之巔仰見太古初元氣淋
漓旋高松無其奇翠竹無其妍當春發豔葩色
相瓔珞纏我來坐其下塵顏赧欲穿山僧意亦
韻硯洗石上泉屈指嬾山遊不到已十年作詩
聊誌慨未識誰依傳

留別諸同人

不甘牖下即老死且向江湖作浪遊著鞭已讓

祖士雅停轡或識韓荆州落花點點和別淚皓
月皎皎湧大流黃霧滿天古渡晚蒼蒼雲樹蔽
鄉愁

次張曙巖蕉鹿軒賞桂原韻

所好與世乖衆中嗒焉喪夫子獨賞余謂有神
別王酌酒攀桂枝色香兩下上茅塞頓剷刈夙
孽忽竄放纏綿花下語融融蜂蜜釀佳會禮法
疎要戒穆臺餉時曙巖下
帷蕉鹿

留別江西陳若宇

作意寒梅開一枝雪窗燈火夜談詩挂帆明日
清江曲別寫離辭寄阿誰

簡王四懷乞蠟梅

呵凍題詩寄牧之欹墻寒豔最相思歲窮人病
無聊賴乞伴孤燈欲雪時

送春二首

杜鵑聲怨昨朝聲夢裏分明雨乍晴倚徧畫闌
愁不奈海棠零落柳綿生

年年春日詩盈帙却到春歸一句無今日題詩

亦偶爾鶯花休悵昔糝糊

竹窗坐雨

竹窗枯坐雨霏霏
綠霧空濛染紵衣
彷彿雲灣春漲後
一舸斜下柳塘歸

橫徑梅枝

散步莫觸橫徑枝
雪葩鐵幹要扶持
鐵幹雖堅易摧折
雪葩色澹情不移
有若著意孤山叟
故爲低昂弄清奇
又如靜期吳仲圭
淋漓墨汁寫相思
又如請迴俗士駕
又如獨傲水部詩
跌宕

意態寫不盡
可憐寂寞無人知
胡不爲桃李容
胡不爲楊柳姿
取悅取媚春光裏
香風暗逐王孫馳
吁嗟乎橫徑枝
不見蘭當門而鋤
今日告平安
後日平安知告誰

川上自閩歸過訪閒話

故人扶屐過荒庭
簾捲桐陰屋漏青
無恙舊顏握手看
一番新語簇
耆聽埜蜂營
蜜爭籬穴文雉矜
翕戀水汀轉
盼流光催短鬢
酒燈棋雨惜星星

移竹

雨過土流膏。移竹北窗下。明月孤吟初。清風對
弈罷。

晚酌

酌酒意氣合。襟懷殊炳炳。景物虛而妍。空庭落
清影。

久旱聞雨

夜聞雨聲喜無已。披衣據几寒窗裏。竹間蕉上
得最多。此聲久不到。兩耳擁燈危坐天。向曉花

草意態嫣然矣。喜極還念苦旱時。尚欲令人頽
有泚。哀哉農家百日中。紛紛傳說勞瘁死。戴笠
著屐訊田叟。均之常歲及半否。

感贈

非霧非花宛轉身。柳眉輕抹遠山春。自慙老去
才華減。不信前身是茂秦。

靜菴伯兄招飲即席賦此

小弟無以報兄德。只使池亭風月清。牙裏不乏
冰雪句。心頭要有纏綿情。會須細語傍山骨。但

清霽樓詩集
三
覺翠霧流桃笙再拜稽首兄當念讀書種子可
憐生

題沈岷岡小像

桐陰轉午坐題詩。憶得青鸞化去時。漫說党家
能掃雪。豈無衛氏慣臨池。百年連理寸心結。七
夕雙星終古期。怪煞畫師偏好事。儘將惆悵寫
蛾眉。

夏日偕姚星言裕之鐔兩弟過筠公上人
精舍飯訖戲贈

初夏垂陰重禪房。坐晝閑碧苔綠石磴晴靄鎖
松關。偶爾來尋話真堪笑。買山燒猪應有待。今
日未當還。

生朝辱諸君子過訪賦謝索和

籬落仍寒菊生涯尚舊羶杖頭寬酒債

各携百錢佐飲

取百齡之義

屐齒破苔煙蔬果貧家饌騰驤豪士篇

忝稱同所好不愧訕拋磚

遊天平山僧舍

萬疊雲山裏迢迢一徑微棹迴紅葉渡詩欸白

雲扉講法頻揮塵垂鈎更立磯欣逢方外友日暮竟忘歸

過漂母祠

誰識王孫乞食時淮陰少年無一奇莫歎世上無知己今日偏逢漂母祠

初夏遣興

卷簾心目快物物足吾欣燕掠殘紅陣蟲書蝕翠文清貧詩是債豪健筆張軍日夕涼風起披襟酒半醺

留宿邨舍

作客天涯路淹留秋後邨霜烏獨樹曉夜雨一燈昏荷敗聲尤烈蜂衙寒不喧比鄰人有意蕭散詠衡門

姚星言過訪即席賦詩辱贈次韻奉答

漫云先達貴來叩野人居醉妙茶煙外禪消棋韻餘狂言千古恨壯志半生虛知己天涯絕誰能顧此廬

乞鄰家梅植庭前

寥寥身世伴乞得隔鄰梅蘿徑自鉏種草堂半
掩開疎星澹數點寒笛忽頻催問訊孤山老相
思日幾回

雨後懷友

竹几瓦爐息世慮布衾斗帳穩閑身青林雨過
烏啼午老子詩成風折巾一片孤雲飛似鶴半
池涼水細於鱗何當屐響雙扉下澹漠殘陽坐
兩人

苦雨感懷

沉沉雨過昏朝落落才間文字瀰漫一抹風光
偃蹇半生心事

溪釣

我年近不惑舉世無知音無知音亦好眠食由
我心體不被朱紫足不履薄冰家無金玉堆志
慮常清明却笑復何求猶來釣溪陰

春日與婦飲

黑雲頭上風吹散白髮花前酒送休辜負山妻
十年意青衫依舊帶春愁

數年前婦有學業期君十載語

九日白堤散步

九日山塘棹寒煙澹抹林蕭條幾叢菊僧舍客
初尋永巷罕人跡落葉一徑深白髮從渠笑黃
花漫自簪

雨晴簡徐龍友

強君扶屐到山家小艇晴溪蕩淺沙莫負紅橋
芳草路杏花春店一旗斜

雪夜懷姜綸周

朔風捲雪打書帷盪穢清光萬里輝何當醉據

赤毛馬較獵崇岡上下飛

清明後一日小飲蘿屋適至不覺俱醉

過了清明春欲暮呼童沽酒酌庭西徑邊屐響
鶴驚起醉裏懷開詩亂題一代偉人推異日三
吳文筆壓金閨百杯不直瞬息盡胸次知無點
物棲

過王蘭圃齋中觀雪蘭

香草養磁斗淡泊結知音素懷不立異冰雪以
爲心超乎騷人詠翛然清風林幽窗對君子論

古情彌深

時蘭圃出示
唐宋舊物

雪晴即事

淺水平橋圖畫外
天光慘澹射晶盤
金鷗健翻凌森舞
玉樹涵輝鬣鬣寒
僧隱半林開竹牖
犬迎孤棹吠沙灘
水亭捲幔擁爐賦
十幅溪籐墨未殘

月夜訪舊

滿林殘雪滿林風
踏月沙溪路指東
竹影亂篩金瑣碎
梅魂寒浸玉玲瓏
好懷不減山陰櫂
故

址都成般若宮
彷彿舊時楊柳岸
風燈一點小橋通

堯峰道中

杖策探奇勝盤紆
村徑幽蒼茫望煙
水雲壑窅而修板
扉八九家短垣花
木稠敦樸太古風
蕭然隱者儔逶迤
穿茂木飛梁枕溪
流振衣山之巔長
風吹颼颼俯首瞰
羣峰鬱鬱春氣浮
孤帆渺湖濬浩淼
來羈愁塵寰不可
望身世悲繫囚何
當坐磯石垂釣狎
輕鷗

春夜寄李明古

讀書春堂晚明月懸樹枝獨步苔蘚徑深靜誰
與期暝烟啼歸鳥暮色蒼然迷微風動幽籟忽
成五字詩挑燈端正寫聊以寄所思

清霽樓晚眺

高樓一遠眺寒空澹夕陽傑閣聳宇碧孤塔撐
雲蒼渚水露林末沙雁飛一行秋風颯然至岸
幘獨徜徉

元旦

夢回兒女喧帷下起坐書堂日轉林樂志忘憂
範前輩從人舍已律初心不嫌短鬢年添白但
祝同儕日好音最喜雙親興高逸松盆撥火爇
梅金

暮春連雨寒甚

芍藥含悲燕子愁霏霏苔徑溢成溝枝頭難覓
迷香蝶溪上惟聞喚雨鳩小閣望春寒起粟一
編搜奧午披裘絕憐芳樹空明麗不沐東君一

盼休

時植海棠一本花萼彫瘁

初夏偕金水東南園晚步

乳鴉啼河柳落日渺煙水携手話阡原耦耕者
誰子驟雨假田笠迢迢暮歸里

月夕

月明如水浸空堦澹灩金尊曠世懷骨相不堪
塵土污白雲峰

石名下聚花埋

立春後二日雪夜邀李散木偕金覲揚師
得小飲以梅雪爭春未肯降平聲字爲
韻得爭字

剪燭寒窗歲暮情一尊聽雪訂幽盟品評格律
閒中按甲乙英豪醉裏爭燈下古梅自佳致徑
邊折竹是清聲莫嗟短鬢添新白大任由來屬
老成

周爾翰索觀詩稿感懷兼簡

牢落詩篇半自嗟感君雅誼重相誇祗緣才拙
偏多事便擬言成自一家入戶秋山新意態繞
籬寒菊舊生涯席門糠覈從嘲訕猶喜時來長
者車

病梅

倦色彫香強自持，素心猶似索題詩。
崔姝合有情生日，衛玠能無看殺時。
記我蹉跎新感慨，思君冰雪舊丰姿。
九年知己書窗下，不向東風怨別離。

秋夜月明小庭清，寂木芙蓉娟淨可愛。
徘徊徧久之漫浪成語，東簣山一笑。

蒼烟幽月共徘徊，影落寒空掩映開。
不向清江賭芳豔，西風悄立賦詩臺。

再和

曲闌斜塢自迂徊，無語亭亭笑靨開。
鐘動漏殘誰是伴，芳魂和月下瑤臺。

三和

幽情只合此低徊，月朶風莖取次開。
自具清標傲霜骨，不勞飛燕避風臺。

四和

詩才料小漫遲徊，半幅煙藤掩復開。
霜雁一聲燈閃閃，明妃清怨獨登臺。

山遊遇雨

肯緣風雨阻遊期。勝致佳情不少違。樵叟一簑深樹出。溪雲半笠老僧歸。繞堤敗葦飛沙鳥。隔浦疎煙掩水扉。寄語山靈休倦歇。探竒正要此霏微。

行春橋晚步

古渡長橋路。蕭條歲暮天。山扉鐘小隔。沙岸月低懸。葉隕投林鳥。燈明罷釣船。勝懷千載事。不盡歎流川。

曉窗

古木棲鴉動。疎星落水寒。氣味殊澹泊。形影亦幽寬。小蜨驚花睡。清鐘破霧漫。曉窗趣自速。露菊幾回看。

春日出遊

偶爾尋詩出。春光特地賒。野橋梅雪暗。小杏酒旗斜。陌上千絲柳。樓頭一樹花。可憐芳草蝶。飄蕩過誰家。

秋夜無寐書以自適

霜月下廊意慘澹寒花浮徑影清疎一聲林磬
萬籟寂獨立蒼苔得句初

期顧西山李散木賞花小飲

暮秋天氣好寒葩發庭墀清風迴桂香盈盈幽
徑吹芙蓉亦窈窕修潔無媚姿翠竹棲晴雲冉
冉陰團垂苟無佳客賞負此良候期山月復來
照娟娟向簾窺相對雖無語聊以慰長思

悼亡婢今宵

腸斷今宵百日中

侍余纔三月

海枯石爛恨無窮可

憐芍藥闌干畔更有何人報落紅

十月下旬菊花大放梅亦開一兩枝因酌

酒戲題

閑對空齋菊蕭疎酒一杯欲題詩句澀却恐薄
寒梅

對菊

百種新栽小圃菊一爐清對紙窗香澹然靜夜
或不寐時與疎風共晚涼標致忽來西子步幽
棲直繼丈人行詩成絕愛窺簾月寒影離離滿

石牀

晚酌

無限心情晚酌中
鳥啼芳樹夕陽紅
杏花二月廉纖雨
楊柳三春旖旎風
曾記句題珠箔捲
可能歌遣布衣窮
倩扶殘醉闌干曲
碧草幽花愧此翁

夢李維緝先生

故人忽入夢寒柝
急霜清碩論不減
昔歡顏儼若生殘
燈耿室寂一雁雜
風鳴惟有詩堪遣
愁

深哦不成

遊天宮寺賦贈潤一禪老

寒日下西嶺悄然
萬象虛落葉半堦
砌香殘澹對餘竹
色旣閑靜幽禽啼
樹初夙懷清淨退
塵緣稍稍除松風
灑衫袖欲別意躊
躇

清宵詩興

竹爐火熟茶聲細
蘿徑風閒鶴夢迴
斜月半庭宵欲午
梅邊詩句自神來

夢中得湧地一聯枕上足成

蕭蕭落葉滿亭臺
几案清疎書帙堆
湧地翠濤飛柏露
繞廬灌木隱春雷
鴉翻晴日斜還整
蝶戀寒芳去復來
面目不知時愛憎
箇中意味任疑猜

懷友疊前韻

望月曾登竹外臺
故人信杳白雲堆
但聞憔悴居如磬
空說聲名喧若雷
楓染丹霞霜後老
雁橫紫塞菊前來
挑燈記得歸期訂
明日江干徒倚猜

耐寒軒觀國碁梁魏今弈再疊前韻

盡日松陰護石臺
半枰寒玉碎雲堆
偏師壓境寂如槁
一著潰圍迅若雷
花影亂隨烟月下
茶香緩趁竹風來
幽情獨寄誰當省
清簟疎簾許自猜

喜吳義仲過訪三疊前韻

才疎難入漢雲臺
棲老寒涯金碧堆
情寄竹溪能跌宕
姓從蓮社識宗雷
碁敲雪夕聳肩坐
詩校松根戴笠來
乾鵲晴檐頻噪躍
何人好事使

君猜

賞木芙蓉四疊前韻

芙蓉花發舊涼臺十里晴雲錦作堆
釋恨好風涵碧霧洗妝涼雨送殘雷
綺屏啼咽李傾國月殿歌酣薛夜來
勝敘莫撓興廢感酒邊惆悵苦
花猜

山亭晚酌即事

山亭落日鳥輻輳小酌堤邊事事幽
鶴立松陰殊古澹燕穿花徑自悠優
青童拍手歌新調老

子低頭說舊遊莫道興闌成蝶夢
好乘明月泛芳洲

袖手

柴關靜掩絕囂塵袖手深思笑此身
老矣歷陽甘自放偉哉曲逆只工貧
滿樓雪意鴉翻陣繞帳梅花夢漏春
饑食寒衣無一得半生慚愧向誰論

埭川晚望

石橋橫野渡獨立望平川
鴉陣寒邨暝雪晴孤

嶼圓壯心愁落日往事笑忘筌雲水杳無際依
依殘照邊

小除

石鼎茶烹午閑身几漫憑曲闌移日影深徑斷
檐冰說劍留奇士談空過老僧關心最何事梅
月一痕澄

次韻答張曙巖

鐵如意把意寥寥小雨町畦長藥苗掃地焚香
眠白晝論文說劍坐深宵冷青銅鏡聊存面粗

木綿裘懶束腰好鳥一聲聲喚侶儘題風景過
昏朝

宿拈花寺

日夕入古寺借榻開南軒佛容莊以藹古鼎妖
獸蹲月白啓北牖雨歇烟景昏山鳥稍驚起嘉
樹時一喧涼風枕上來頓釋擾擾魂脫網當幾
時勞生徒爾煩

菜畦詩并序

鹽官俞穎園先生視學江左清操峻節

澄江試院後有隙地數十丈爲往時讌
集較射之圃先生悉藝菜以供賓從饗
殮事可佳也作詩曰

微雨從東來菜畦賴之滋僮僕各戮力荒穢亦
云治嘉蔬欣滿望芳菘何離離摘以佐尊酒用
娛論文時氣味澹彌長斯言不我欺清風激頰
波懋哉後來師

雨霽

山雲亂捲露尖青苔滿空堦綠滿林
嘯沓蚓鳴

窺局淺蹒跚蛙步伏機深斷霞彩錯溪流急殘
雨珠懸崖罅陰景物靜中佳入咏襄陽小楷擘
箋臨

對竹

牡丹色豔經風散仙桂香濃著雨疎何如石畔
幽棲竹風雪滿天只自如

對雪

滿戶蒼黃色森森雪打帷苦吟欣句險呵凍恨
書遲萬蝶穿梨舞羣鷗蹴浪嬉披裘危坐對清

氣溢堦墀。

冬暖

冬暖總成乖，謬候梅花肯逐不，時開傲軒詩句。

應懸擬昨日江頭曾探來。

元人胡傲軒咏冬暖有江梅一樹都開偏

不問南枝與北枝句

初涼即事

百尺蒼松湧翠濤，一尊雨過醉陶陶。晚來何事堪娛意，看取兒童學射鵰。

困學齋讌集分韻得咸字

竹梢風淅淅，清奏聽韶咸。吟苦寒燈綠，衾重醉夢饒。寸心同雪淨，萬語一愁函。明日相看驗，知皆淚滿衫。

柴門

長日消閑獨品茶，柴門虛敞絕塵譁。興來兄弟琴書課，老去妻孥布粟家。空說不疑冠佩偉，漫誇昭諫姓名賒。碧梧風細涼陰晚，岸幘披襟數落花。

輓楊在陽表弟

漠漠寒亭淚滿巾。鈞玄探秘更誰論。世間我自
長貧者。地下君爲不死人。此日李生鯨逝。月何
年。丁令鶴窺春。慈親眠食欣無恙。賴有難兄至
性純。

耐寒軒夜飲分韻得東字

小酌興悠遠。行吟西復東。影寒殘夜月。香澹落
梅風。東野愁姑舍。彌明世尚通。搜腸娛永夕。山
鵲動春叢。

題遜廬額後

倦耕倦讀倦樵漁。老屋三間草草居。琴韻拂牀
茶飯了。花香侵夢醉吟餘。家風巢許操難紹。心
事松雲術亦疎。風月故人真計得。好將面目認
吾廬。

月夜看木芙蓉

一簾明月倚闌干。花態花情就夜看。夜半露涼
天似洗。剪雲仙子舞冰盤。

題李蘿屋驥沙草卷首

歲首送行旌。梅花未吐白。天寒亂雪飄。離緒共

江表詩集
吳
淒惻地僅一江阻。幽思縈朝夕。中一通尺書。各
訴近行跡。見書不見人。忽忽轉多激。風雨摧春
花。雲山慘無色。彈指時云邁。平橋漲新拍。小燕
掠清漪。綠蒲割淨澤。午窗試新茗。竹徑響來屐。
握手認舊顏。喜極語無擇。示我驥沙草。風土情
歷歷。根據六經旨。披疏百家極。懷人玉溪並。感
興少陵敵。懇摯備毫末。淋漓怖神魄。韓子崇奇
瓌。高侯貴質直。兼斯二公長。允矣後生則。荏苒
百年中。悲歡總身賊。著書追古人。前途幸努力。

初夏述懷

微風簾幕晝。姍姍抱膝長。吟意灑然松。徑靜深
鐘暫。度花陰。濃密燕貪穿。時清身遂。琴書樂親
健。家兼子弟賢。尊酒團圓時。尚論江州家法更
誰傳。

春日詠懷二首

花落幽庭春已深。微風澹日聽流鶯。不交妄客
門。常靜細體名。言氣自平。芳草縱橫如有意。野
雲舒卷總無情。一壺晚酌醺然足。萬象冲和煦

照生。

天然佳趣樂吾真。柳外嚶嚶獨轉鶯。風韞小紅
花氣惱。雨晴濃綠蘚痕平。消閒細誌鵝羣帖。驗
學纔鎔鐵鑄情。烟暝曲廊茶罷煮。一彎新月破
雲生。

暮秋遣興

霜鴻翔空爽氣來。筠牀據矚心悠哉。幽花娟好
舞水際。牧唱長短隱林堆。自計一編樂吾樂。難
數諸兒才不才。埜菊爛熳無客訪。西風滿徑冷

蒼苔

蘿屋以人日感興詩四章過訪病酒未晤

即和原韻寄懷

書齋愁絕坐霖霖。苦澀枝梅蓓蕾金。人日惱卿
詩作惡。酸辛句子不堪吟。

作惡酒懷到五更。絮衾竹榻最多情。嗔他小婢
扶頭說。放嬾羸教阮步兵。

席帽煎茶處士家。一爐一鉢度年華。渡頭擬趁
山僧權徧訪。溪巖破凍花。

促膝圍爐細論詩酒燈棋雨訂來期離懷曾記
推寒枕夜雪徬徨念左思

贈汪友蘇

不邀清譽不干時自在身從枕易窺棋雨硯花
閑歲錄竹風杉月亂書帷木華文字波瀾闊黃
憲風裁鄉國師何日柴門騎馬過一尊斜日話
東籬

石湖秋泛

午舸斜下石湖東潏潏秋光泛碧空平瀨彩霞

纏落日小川紅樹照西風米家勝韻蒼茫外范
老奇勳感慨中清絕扣舷誰和賞林鐘月梵到
煙篷

滌茶器桂花下戲作

葛帳筠牀曉夢清菲菲露濕桂氤氳自携茶具
滌花下風味何如司馬君

賦得竹影侵棋局

幽林長日閑身置一局蕭森自穆如綠雪驚風
雲子亂翠蛟舞兩玉枰虛陣嚴暗度寒光斂戰

苦輕嘗素影，紆著意播訛。方罨裏，此君握筭欲
強渠。

題姚梅菴小照

先生樓上獨凝思，春望霏霏香霧吹。可說清真
芳草路，難窮巧幻落花時。一枝桂苑平分影，百
盞梅邊計遣悲。擬話杏林申夙慕，紫騮嘶雨夕
陽遲。

野望

好將幽意縱幽行，緩步溪橋埜望清。野外青山



苦輕嘗素影，紆著意播訛。方罨裏，此君握筭欲
強渠。

題姚梅菴小照

先生樓上獨凝思，春望霏霏香霧吹。可說清真
芳草路，難窮巧幻落花時。一枝桂苑平分影，百
盞梅邊計遣悲。擬話杏林申夙慕，紫騮嘶雨夕
陽遲。

野望

好將幽意縱幽行，緩步溪橋埜望清。野外青山



P51后缺

